

立法會 CB(2)1499/14-15(10)號文件
LC Paper No. CB(2)1499/14-15(10)

香港特別行政區
立法會

2017 年行政長官產生辦法方案小組委員會

意見書

話說新聞話高永文局長落區宣傳政改（你聽我講！），咁啱捉到我哋其中一個孩子問佢對政改嘅睇法，原來仲有咁多師弟係唔明政改講咩，其實就好易明。

即係咁，假設而家學校唔俾你出去食，只可以 canteen 三個飯入面揀一個

A 濕嘅焗飯

B 焗飯入面啲飯仲係白色

C 得個面有焗嘅「焗飯」

咁你點揀呀？係咪好好味又有得揀呢？

又假設你係好鐘意林峯，好想見佢一面，點知去到個簽名會到見到幫人簽名個個原來係校長譚詠麟嚟，咁你就大叫：「喂！都唔係林峯嚟嘅！校長嚟個喎！」個 MC 同你講：「袋住先啦，我哋將來會優化校長，減完肥就同林峯一樣樣架啦！」咁我想問：減完肥嘅校長譚詠麟係咪即係林峯呢？極其量都只可以係「偽林峯」而唔係林峯。

以上兩個例子就係呢個政改想帶出嘅嘢，真，假，你唔會「判斷唔到」啦掛？講完！

楊曉東